

安縣志 卷一

縣志正續兩編... 存閱以後...

40280.125
42
1-1-12

中國農民銀行
經濟研究所

Pe83
13200
5924.1-13

中華民國廿五年四月

安縣志

縣長黃愷公署

安縣志卷一



中國農民銀行總管理處
經濟研究處藏

序

地僻而其景常新世遠而其人不少此固默默中有為之呵護明明間有為之傳述者而地與人迥昭然若揭蓋二典斷自孔氏前之事已無稽三郡志於道將蜀之人初有紀自文化日進固陋之鄉漸趨淹雅野蠻之俗頓啟文明但國史之例地非有關於河渠人非有功於邦國恒不得與焉竊思磽地亦產良材匹夫而立大節采風之典廢孰與揚其美而標其盛故縣乘為世重由來久矣我縣縣志明以前無所聞清乾隆十二年縣令施公廷鈞草創規模資教諭戴公維植之力至四十七年經繼任張公仲芳分四門而始有成書及嘉慶辛未歲大府奉朝命修省通志檄各州縣修輯新志以備采擇縣令楊公英燦復加蒐求更變舊例列為三十目較

安縣志卷一

序

一

前為備咸豐辛酉遭藍逆之亂全川殉節死難之紳民應補入省通志褒揚美德藩憲又檄縣續修縣志同治二年縣令余公天鵬聘邑舉人陳劉二先生以成其事迄今逾七十年矣山川道里已非昔日之崎嶇官司職守已非昔日之簡畧風土人物已非昔日之樸淳加以國體變更學校改組偏僻之地今闢市場通顯之人相繼物故全省通志續修歷數春秋屢函催取新志備采錄焉客歲縣長夏公正寅延余擔任局務初意借石他山攻我良玉迨余計劃規定縣長欲為地方惜財力轉商於余即聘縣中耆宿共襄其事閱六月而初稿就今縣長黃公愷公繼續督修又閱五月而全稿脫余山野俗士本無三長徒以省通志徵求孔急變舊體而符新例潦草塞責倘通志采其可采編錄一二庶吾邑江山因之生色吾邑人士

中國農民銀行總管理處
經濟研究處藏



天

因之有聲則小邑之糟粕未必非全省精華之資材也謹序
中華民國二十二年季春月邑人劉公旭撰於縣舊學署

序

邑之有志所以備外史也攷周官外史掌四方之志郡縣志乘即封建時
列國史官之遺而近代修志多仿唐宋以來變例不出文人習氣而原通
於史氏宏裁章氏實齋有云志者誌也其事其文之外必有義焉此史家
著述之微旨也蓋必四方之志備乃為國史所取裁是志又與史異史綜
全國實錄志則一省有之一縣亦有之吾蜀今日省志尚未成書縣志正
不容緩安邑僻在川西地廣而山多士文而俗厚有清一代科甲聯綿縉
紳有通籍者自國體丕變老成萎謝文獻無徵時髦後進多應潮流歷年
匪患典籍久替志弗修鄉人士靡不引以為憾歲庚午陵陽夏正寅先生
宰斯邑未及一稔荏苒肅清百廢具舉壬申春爰集紳耆議續縣志舉劉

安縣志卷一

序

三

君公旭主任以董其成襄其事者皆邑中名宿錫登亦覲然焉吁吾鄉縣
志遲滯已逾三十年昔雖公推有人汗青未就猶告朔餼羊今歲事有期
登遠羈蓉垣恨未躬親末席從諸君子筆削幸觀厥成耳吾知書成之後
將以備輶軒之採而達之邦國豈僅一邑之幸哉尤有進者史之與志非
惟範圍有廣狹而義例亦迥殊史於善惡備載寓有褒貶志則稱善不稱
惡紀實不紀虛以為後人勸至若疆域之廣戶口之繁物產之饒風俗之
美前志所詳固無庸贅今考文稽獻皆信而有徵諸君子學兼三長以鄉
人而紀一鄉之事吾知其詳且悉也鄙人罔敢贊一辭矣嗟乎吾邑縣志
廢墜久矣茲幸尅期告竣固緣諸君子作事勤敏亦由賢有司或提倡於
前或繼起於後之功也

肯

中華民國二十一年九月既望邑人易錫釐序於錦城之懷仁軒

安縣志卷一

序

四

舊志序

今天子二年三月除天鵬知安縣事時賊匪逼境城無守兵幸民團用命設險四郊賊乃繞境三面逸天鵬見民氣忠憤踴躍同仇知此邦之好勇守義大可用也是年四月奉方伯檄取近年過賊殉難紳民婦女纂入通志爰稽咸豐十一年藍逆分賊陷安城屠戮士民前知縣張香海與汛捕官以身殉一時城居士民婦孺有孑遺其四鄉屢被焚擄皎然立節義者亦復赫赫在人耳目此皆列聖仁育義正風教所作有以感發吾民之心志而使邊省居民舍生取義凜凜有大節若此吾安洵可為守禮之邦矣補修志乘闡發幽光誠有司事也况安邑前志板片燬於賊僅存十之四五無以補而完之則前人草創補輯之功不幾廢乎即日延邑舉人陳

安縣志卷一

序

五

嘉繡等採訪近數十年立節死義敦品一切足為民法遺事前志未載益之前志已缺補之雖微必彰雖賤必錄不數月而補梓成書後之覽者足以興矣吾願與安邑人士沐浴盛朝雅化完此凋殘足衣食而生禮義則孝悌慈祥不尤樂而可貴乎是為序

清同治二年歲次癸亥十二月下澣安康余天鵬撰

舊志序

安邑屬左繇縱橫各百有餘里縣小地僻為古羌人舊國自漢唐以迄元明建置屢易文獻不彰志乘之無聞由來久矣我國家列聖相傳深仁廣被溥海內外治一道同安邑之在版宇猶太倉稊米耳而上下百數十年間涵濡生息戶口繁滋人文蔚起蒸蒸然風教頓殊焉夫士大夫躬逢盛世目擊休風得以握尺符膺民社撫馭一方顧忍令山川之靈異風土之忠淳與夫孝子悌弟偉男貞婦之芳躅僅同於鏡花水月一絢耀而遂無迹可尋也君子惜之張君之蒞茲土也八年矣政通人和百廢俱舉一旦慨然念邑乘之無成書自經界以及文藝蒐剔隱微躬親採擇事期徵信疑者缺焉無濫取無遺賢書分十六目以四門統之自建置一門之外以

安縣志卷一

序

六

庶富教作三門體裁宏整文藻古麗渺不見草創之艱而精嚴完善卓乎可傳以視夫沿習舊規抱遺編而增刪補綴者其勞逸何如也書成問序於予予曰安無志而有志自君始昔卜景超謝加恩令安邑當國初甫定之時開闢荒蕪招徠流徙興利除害大著經始之績至今廟食茲土者之功不在卜謝二公下豈徒以文章飾吏治者所可同日語哉因憶余以乙酉之春曾為是邑長吏甫數月即奉檄他徙迄二十餘年矣其父老當猶有知余者幸為我告之曰聖天子在上賢令尹承治於下德洋恩溥百務修明為善者無不傳泯滅者徒自取尚其作德於鄉漸以作羽儀於邦國庶幾他年碩德鴻才臚於簡冊下以增秉筆者光上以昭盛朝一德同風之治而後嘆張君創始作志之功長與大安山並重而不朽矣余固舊令

也能不因之預為欣幸也乎

清乾隆五十四年歲次己酉嘉平月中憲大夫四川通省鹽茶分巡成縣
兼管水利道析津林僑撰並書

舊志序

山川風土隨方而定亦因時而易者也即土分瘠沃星殊風雨古固有之亦舉其概耳未嘗執此以異其民聖朝治隆德盛臨御萬方梯山航海蒸蒸向化古所稱沃瘠風雨之不齊者今皆合內外而一之豈非因時而易哉蜀稱邊省芳至蜀不見其為邊省也安邑為蜀僻地芳至安亦不見其為僻地也蓋歷聖仁深覆載恩極照臨登億兆於春臺維新而作解之至於淪肌浹髓遂會歸其極若此之盛也壬寅夏芳蒞茲邑其山川風土燦然可見而俯仰古今茫茫無考於是索志書於吏吏以向來無志對為之悵然他日接晤教諭戴公維植則曰前令施公廷鈞曾草創焉索其稿只有山水等名及鄉村物產而已甲辰奉檄出口戊申回安戴公已陞夔府

安縣志卷一

序

八

教授而去邑紳陳教諭書致邑志底稿五帙於余乃戴公於芳出口後倣次而成其赴夔也授陳公以俟芳來戴公可謂盡心於此矣於是即其稿重復倣次纂輯成書一邑所有畧備於此雖文獻蔑如而山川風土頗為撫實春花不先於秋實尤足昭盛朝抑浮尚質之休焉因述其顛末以俟來哲

特授四川綿州安縣知縣寶山張仲芳望林氏撰

舊志序

歲在辛未蜀之大府請於朝續修全省通志檄下府廳州縣各輯成書以備採擇重志來也余承乏安縣一載於茲矣小宰無他庸而典城之寄一人斷斷始入官如晦室懼無以成名布義因思古賢侯下車之始覽疆索稽戶版考山川之褒貽度塢流之擬約揖都人士辨博者與共晨夕問民俗及風土物力之所宜凡佳流素士淑德奇行賤修盼採均急登之以薰沐來者緬何易于李博文諸君之風宣迪醜化綏穆初附每以不面為恨念德與蘭艾同潤也嘗溯前明建官以上分合情事至於漢唐安縣為漢涪縣地在涪江之南故名晉析為晉興益昌西充國三縣屬巴西郡縣以國名豈輿圖獨廣與宋齊梁仍晉制西魏省晉興周改為金山益昌西充

安縣志卷一

序

九

國三縣隋開皇初益昌省更西充國縣名置神泉縣屬金山大業中金山亦廢唐為龍安西昌神泉三縣地始屬絳州五代因之宋為龍安神泉二縣地屬石泉軍寶祐中移石泉軍來治石泉在安縣北通松龍一帶置軍控扼之以備西番不幾重鎮乎元為安州屬成都府神泉縣省入州明復為縣仍屬成都此建置沿革之大凡也攷疆域東西距八十里南北距百六十里六雄十繫不足為今銓課最而前代三符茲列焉我朝封洫廣開井竈萬集星居土斷度越倍蓰為長吏者敢不作何祇兼二縣公孫撫五都邑觀榜求舊聞嗣書續記永彰茂實式表洪徽為一縣治譜之資以上答聖天子建典立度之意耶或謂地不近會治慮其陋也產不及淵雲虞其畧也邃巖岳嶽靈瀆浩波不足絜三神之驪被五材之膏也欲以附古

額圖之後母乃恣與然浯界東西川唐以分節鎮制所而神泉為樞紐井
絡一星繫其顛干辰之輝男傑女烈英魄靈氣炳炳烺烺觀前明李廣生
夫婦趙鴻偉父子卓節偉操光燭赤籍而雲門之澆潯金山之增岷探龍
穴之奇按猿門之戍縱觀松嶺關疊溪堡大巖靈鷲以西坤維鐵牡激盪
邊風所謂左擔出浯者豈易言耶披圖鏡古為往復者久之他若物產殷
饒倉儲充實丁男孳息田賦正供竊附於五比九比之規不敢從畧古慕
不畧營祠振秀雍容往詰以當圖畫僑札至於仙夫釋子無不畢載所以
滌塵俗而淪高風也藝文雖簡掌故所系亦不廢焉爰分部為三十櫛比
鱗次各以類從所採二十三史以外若常璩華陽國志李吉甫元和郡縣
志樂史太平寰宇記王存元豐九域志楊慎全蜀藝文志曹學佺蜀中名

安縣志卷一

序

十

勝志諸書而一以大清一統志為歸書成為述其梗概以弁諸首自魏庸
陋不敢妄有撰述即迄今撮拾亦可以為國章作身鑑備全省通志之一
隅後有君子宏覽博物据撫益富使豐編照物歷久益先是則余之所厚
望也夫是為序

清嘉慶十有七年歲次壬申陽月下澣金匱楊英燦撰

序

傳曰樹之風聲又曰化民成俗蓋生民有欲無引不移失其本者將日逐末而徒勞忽之養者必難俾見夫善終所謂差以毫釐謬以千里人情日偷禍亂滋熾非一朝一夕之故其所由來者漸矣昔人明其然是以因其山川土宜為之畫野分州以遂其生因其人情習尚為之制禮興樂以培其德又慮夫幼弱愚庸者之企仰無由也為之三老五更之屬以資輔翼慮其積久而既牽情而違本也為之文物表彰以助興感無非欲培大本於浸漬反情性為中正化民以淳一致天下生靈於熙和之樂也如古周官之為志其義實矣後世有作或以託諸史官或以俟諸仁賢其詳其畧不可並視要其歸固與古人樹德正風之旨無殊故曰禮樂刑政其致一

安縣志卷二十六

序

也皆所以一民心而出治道也而司馬長卿尤以寡廉鮮恥俗不長厚咎之父兄之教不先子弟之率木謹諒哉士生古人之後宜學道而愛人則夫著典志標風物以矯當世之頹俗正蚩蚩之非心有不容漠然者矣安縣位蜀西北民風淳樸文物粲然徵諸聞見皆可觀喜惜其志年久失脩記載不備難彰善美不無憾於啟迪宏化之德邑中諸君子怒焉憂之爰共奮起相與旁搜博考慎標義例一一彙纂以為之志孜孜管楮凡五六年而其書以成時雲章方受命理安既樂見斯志之告成復感夫安人之務本崇德大有裨於風俗政教而俾淳化永昌也謹為弁其端以嚴觀覽焉

中華民國二十七年四月

日縣長成雲章序

安縣志卷一 官紳題名錄

清乾隆十二年及五十四年修志官

知縣施廷鈞 教諭戴維植 知縣張仲芳

清嘉慶十七年修志官

知縣楊英燦

清同治二年修志官紳

知縣余天鵬 纂集陳嘉繡劉炳 采訪龍錦生 楊德成

鄭繼志 陳宇駟 劉嘉宇 林芝仙 李培成 何衢亨 王紹德

民國二十一年修志官紳

監修官

安縣志卷一

官紳題名錄

國民革命軍第二十九軍軍長田頌堯

國民革命軍第二十九軍駐區警備司令官孫震

督修官

安縣縣政府縣長夏時行

安縣縣政府縣長黃愷公

協修官

安縣縣政府第一科科長張本

安縣縣政府第二科科長楊謙

安縣縣政府第二科科長沈仰山

安縣縣政府教育局局長王餘膏

安縣縣政府教育局局長羅達夫

各校官

安縣縣政府財務局局長王澤溥

安縣縣政府財務局局長王文焯

安縣縣政府公安局局長林芬

安縣縣政府建設局局長雷有能

安縣縣政府建設局局長吳驊

安縣縣政府管獄員白玉堂

總纂

兼任本局局長劉公旭

安縣志卷一

官紳題名錄

二

常住編輯員

陳紹欽 鄧吉六 蔣品珊 張紹先

分纂繪圖員

徐應祥

原任編輯員

陳百川 蕭伯鏞

分纂員

羅伯卿 李爽庭 蕭際雲 余繩武 李吉三 易錫鑿 李仙谷

田望秋 陳治安

各區採訪員

鄧仲翔 鍾登五 陳治安 陳介卿 鄧吉六 羅聘三 劉舜聰

賀鵬岳 蔣品珊 龔少義 鄒文莊 劉親之 王育之 劉華揚

林樾 吳雨人 蔣杏村

履勘堰道員

蘇包河劉親之 茶坪河沸水秀水河蔣品珊

安昌河劉巨川 睢水塔水走水新河乾河劉百祥

省通志籌款員兼縣志局庶務

劉親之

叅校員

蕭慰庭 鍾玉文 徐右祥 熊寬堂 謝健卿 王德堂 蕭澤浦

安縣志卷一 官紳題名錄

三

林少良 楊復初 劉止隅 蕭怒僧 鍾登武 劉冠之 焦天錫

李懋森 王玉成 李爵一

本局謄錄員

何世臣 劉漢成 李向高 謝榮光

卷一

方輿門

序

全縣山脈

山脈圖

疆域

舊志疆域

故三縣攷

形勢

舊志攷

全縣輿圖

沿革表

卷二

方輿門

中區區域

二區區域

形勢

六區區域

形勢

十一區域

形勢

三區區域

形勢

七區區域

形勢

十二區域

形勢

十五區域

形勢

四區區域

形勢

九區區域

形勢

十六區域

安縣志卷一

目錄

一

形勢

八區區域

形勢

十三區域

形勢

五區區域

形勢

十區區域

形勢

十四區域

形勢

十八區域

形勢

十七區域

形勢

舊志關隘

各區分圖

卷三

方輿門

城區山

溝

洞

坪

坡

巖

嶺

石

壩

灣

堆

溪

林

黃土區山

溝

巷

嶺

洞

坪

坡

巖

壩

坎

漕

垣

嘴

園

地

壩

塘